



Pou Piblikasyon Imedya: 14/11/2023

GOUVÈNÈ KATHY HOCHUL

## GOUVÈNÈ HOCHUL SIYEN LEJISLASYON KI FÈ DIWALI TOUNEN JOU FERYE NAN LEKÒL

*Lejislasyon S.7574/A.7769 fè Diwali tounen yon jou ferye nan lekòl piblik Vil New York*

Gouvènè Kathy Hochul te siyen jodi a lejislasyon ki fè Diwali tounen yon jou ferye nan lekòl pou lekòl piblik Vil New York yo. Lejislasyon S.7574/A.7769 egzije pou tout lekòl piblik nan vil New York fèmen nan kenzyèm jou nan uityèm mwa kalandriye Endyen an nan chak ane, ki rele Diwali.

"Vil New York chaje reliyon ak kilti ki diferan, epi n ap pran mezi enpòtan sa a pou rekonèt ak selebre divèsite sa a nan kalandriye lekò la", **Gouvènè Hochul te deklare.** "Lejislasyon sa a pou deziyen Diwali kòm yon jou ferye nan lekòl Vil New York se yon opòtinite pou timoun nou yo aprann sou li ak selebre tradisyon atravè monn lan".

Lejislasyon S.7574/A.7769 amande lwa edikasyon an pou deklare Diwali kòm jou fèt pou lekòl piblik Vil New York yo. Anpil moun nan reliyon Endou, Sikh, Jain, ak Boudis nan Vil New York ak nan tout eta a obsèvè festival Diwali ak plis pase 1 milya moun atravè mond lan selebre jou fèt sa a.

**Senatè Eta a, Joseph Addabbo, te deklare,** "Mwen vrèman apresye apwobasyon Gouvènè Hochul paske I rekonèt Diwali kòm yon jou ferye nan lekòl. Mwen felisite tou zanmi mwen an, Manm Asanble Jenifer Rajkumar pou inisyativ li sou adopsyon lwa sa a nan Asanble a ak travay avèk ekip lejislatif mwen an nan adopte pwojè lwa mwen an nan Sena a. Diwali se yon okazyon lajwa ki gen anpil enpòtans pou plizyè milyon moun atravè mond lan ak nan eta nou an. Pandan n ap reyini ansanm pou komemore festival sa a, nou sonje mesaj fèt Diwali a - triyonf limyè sou tenèb, konesans sou inyorans ak byen sou mal. Nan tan rasis lokal ak mondyal ak kòlè sa a, mesaj Diwali a enpòtan anpil epi li nesesè. Selebrasyon Diwali a non sèlman reprezante eritaj kiltirèl rich nan kominote divèsifye nou an, men tou li sèvi kòm yon rapèl nan valè ki konekte nou ansanm. Li fè nou sonje enpòtans konpasyon, jantiyès, ak konpreyansyon nan entèraksyon nou youn ak lòt. Se pou Diwali sa a pote ou menm ak moun ou renmen yo yon abondans lajwa, pwosperite ak bon sante. Ann fè efò pou n anbrase lespri Diwali a non sèlman pandan sezon fèt sa a, men tou nan lavi chak jou nou, lè nou pataje

Ianmou, limyè ak lajwa bay moun ki bò kote nou yo. Yon lòt fwa ankò, mèsi Gouvènè Hochul paske w te gaye mesaj pozitif Diwali a".

**Manm Asanble Jenifer Rajkumar te deklare**, "Mwen te fyè pou m dirije ak genyen batay la pou Jou Ferye Lekòl Diwali ane sa a. Jodi a, Iwa Diwali istorik mwen an siyen ofisyèlman kòm Iwa. Kòm premye Endyen-Ameriken ak premye Endou ki te eli nan Biwo Eta New York, mwen remèsye Gouvènè Hochul paske li te siyen pwojè Iwa enpòtan mwen an. Pou plis pase de deseni, kominote Sid Azyatik la te fè presyon an favè jou fèt Diwali a. Avèk siyati Iwa mwen an, nou te limen yon lanp etènèl nan kè ak lespri tout Nouyòkè yo. Sa a se yon reyalizasyon ki pral siviv apre mwen. Jenerasyon Nouyòkè k ap vini yo pral kounye a obsèvè Diwali, Festival Limyè yo. Lè nou siyen pwojè Iwa mwen an, nou di plis pase 600,000 Endou, Sikh, Jain, ak Boudis Nouyòkè, 'Nou wè nou, nou rekonèt nou, epi Diwali se yon jou fèt Ameriken" .

**Prezidan New American Voter Association, Doktè Dilip Nath, te deklare**, "Li difisil pou nou ta sispann di kijan kominote Endou, Jain, ak Sikh yo kontribiye nan eta nou an. Mwen fyè pou m wè Gouvènè Kathy Hochul finalman akonpli yon jou ferye an rekonesans ak Diwali depi lontan pou tounen yon Iwa. Nan jou Diwali a, pa gen okenn elèv ki pral oblige chwazi ant selebre ak fanmi yo oswa obligasyon lekòl yo".

**Prezidan Indian Diaspora Council International, Ashook Ramsaran, te deklare**, "Indian Diaspora Council International felisite Gouvènè Eta New York la, Kathy Hochul, ak Lejislati Eta New York la dèské yo apwouve Diwali kòm yon jou ferye lekòl Vil New York, ansam ak sipò solid nan men Majistra Vil New York la, Eric Adams. Sa a se yon reyalizasyon enpòtan apre plizyè deseni efò popilè nan New York. IDC kontan paske Diwali vin tounen yon selebrasyon nasyonal nan Mezon Blanch lan, plizyè chanm eta ak konsèy vil yo. Diwali se 'tryionf limyè sou tenèb, byen sou mal' ak lesion li yo pi enpòtan kòm boulvèisman, mank imanite ak divizyon ki afekte anpil moun atravè mond lan".

**Prezidan Kominote Khalsa, Japneet Singh, te deklare**, "Sa a se yon okazyon trè espesyal pou tout dyaspora Sid Azyatik la. Pou Sikh yo, Diwali siyifi Liberasyon. Se te jou kote 6yèm Gouwou nou an, Gouwou Hargobind te libere nan prizon. Men, pa sèlman poukонт li, li te defann liberasyon 52 Wa Endou yo ki te nan prizon yon fason enjis tou. Kidonk, pou Sikhs festival Diwali sa a vle di Bandi Chhor Divas oswa 'jou liberasyon prizonye yo'. Nou sèvi ak jou sa a pou onore epi sonje tout moun ki kontinye fè fas ak opresyon ak rekomande pou defann jistis nenpòt kote. Epi avèk pwojè Iwa istorik sa a Gouvènè a siyen an, li pral ede kominote ki selebre Diwali yo finalman edike zanmi yo ak kamarad yo sou siyifikasyon li genyen pou nou. Lè m te grandi nan lekòl publik Vil New York yo, mwen te toujou gen konfli pou m te chwazi edikasyon mwen oswa lafwa mwen. Men kounye a, pwochen jeneral Sid Azyatik yo pral gen opòtinite pou yo chwazi tou de epi sa se yon bagay trè espesyal pou nou tout".

**Prezidan Bangladesh Puja Udjapan Parishad New York, Bhajan Sarker, te deklare**, "Sa a se yon nouvèl enteresan pou Kominote Endou atravè New York la epi nou remèsye Gouvènè Kathy Hochul paske li siyen pwojè Iwa Diwali a. 300,000 Nouyòkè ki

selebre Diwali kounye a kapab selebre li ak tout fanmi yo san yo pa oblje reonse pou voye pitit yo lekòl".

**Lidè Kominotè Nepali ak Manm Egzekitif Hami Nepali Nabaraj KC te deklare**, "Nan non Kominote Nepali a, nou trè rekonesan anvè Gouvènè Kathy Hochul nou renmen anpil paske li rekonèt kominote Endou a ak festival limyè Diwali a".

###

Lòt nouvèl disponib sou sit [www.governor.ny.gov](http://www.governor.ny.gov)

Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418  
Enskri pou w jwenn mizajou Biwo Gouvènè a: [ny.gov/signup](http://ny.gov/signup) | Voye tèks NEW YORK bay 81336

[ANILE ENSKRIPSYON OU](#)